


單士元
王國章
文翰編



明代建築大事年表

中國營造學社出版

民國六十五年十一月影印版

明代建築大事年表

版權
所有

定價：新台幣

110元

美金一九元

翻印
必究

發行人：朱
出版者：天

方

出

版

明

社址：台北市和平西路2段66號三樓
電話：三〇一二八七三・三〇二四三七
郵政：一〇二二
信箱：七二
印刷者：聯和印製有限公司
地址：台北市寶興街21號
電話：三〇一二五一四・三一〇三四三

登記證：新聞局版台業字第〇〇五一號

序

民國十八年紫江朱桂辛先生創中國營造學社於北平，從事研究我國固有之建築學術，除致力於建築實物之調查外，於營造史料兼作有系統之蒐輯，並擬將明代宮苑考訂翔實，勒成專書。爰博采羣籍，廣徵文獻，草稿已備，猶待商訂。良以書闕有間，文獻不足徵也。往者士元嘗檢閱明代實錄，遇有營造史料，輒爲逐錄。質之他籍，多所未載。桂辛先生因囑將明代各帝實錄一舉而探討之，以爲完成明宮苑考之準備。後更取明一統志、會典、彙各書、鈎稽索隱，亦有所得，費時三載，積稿盈尺。願以所輯史料，不僅限於宮苑，若城垣、若堡壘、若寺觀、若橋梁，兼收並蓄，網羅既多，國內外學者知社中有此項工作也，嘗以營造歷史問題來諮詢，是社會對於此項事業，已感覺

需要，因知工具之書，不可不備。年表之作，實爲急務。故將所輯史料，編年排比，區爲四編十一類，曰宮殿陵寢，園囿壇廟，衙署學校，城堡關隘，衛所寺觀，橋梁及雜類。而明代建築大事年表以成，此爲纂輯之經過也。抑猶有進者，建築年表之作，匪獨攷匠作而已。其史料關係社會科學者正多，如明代役作，有軍匠班匠之制，研究當日政治組織者，當有所取資。至若木料灰石取之各地，用銀數目及其來源，於地理學經濟學，咸有相當之系屬。故本表所采之史料，其價值全視學者研究之問題而轉移，營造特其綱領耳。他日更擬上溯前代，下迄有清，以成中國四千年之建築大事年表，此爲本社之志願，諒亦爲學者所樂聞也。中華民國二十六年一月北平單士元識

編輯略例

一 本表計分四編；第一編宮殿，陵寢，園囿，壇廟；第二編衙署，學校；第三編城堡，關隘，衛所；第四編寺觀，橋梁及雜類。

二 本表引用書籍，以明代各朝實錄爲基本材料，原實錄所記皆屬於營造之聲華大者，旁徵他籍，以資補充，然卷帙續紛，涉獵難周，挂一漏萬，所不能免。

三 引用書籍次序，首列實錄，次正史，次官修書，餘以各書刊行先後爲序。

四 明代實錄自丙午歲起（元順帝至正二十六年）本表亦始於是，但於丙午歲後附注『元順帝至正二十六年』字樣。

五 明代衛所本爲衙署，案本表分類，應入第二編，惟以城堡多繫於衛所，因劃入第三編。

六 中國寺觀徧各地，歷朝皆有修建，本表則擇其大事而錄之，願於取舍之間，深懼失當，因以明一統志著錄者爲準，惟志修成於天順朝，所闕尚多，其後者則以圖書集成及方志等書

擇要輯補，更有因史籍所載，僅著年號，不紀時日者，如洪武間、永樂間之類，格於體例，未獲刊入，容加攷訂，當作補編。

七 本表雖分四編，有時限於事實，體例未能嚴格，其事有因，試舉一例，如橋梁爲四編，而一編之園囿陵寢皆有橋梁，載籍敘述，每繫於一條，若強爲分離，則有割裂之嫌，合之兩美，離之兩傷，因是凡關於此類者，各依其所屬而歸之。

八 年表末附檢字表及索引，案筆劃區分，不分編次，閱者依字檢尋，既省時間，且補各編區別混淆之弊。

九 本表係分編刊印，有前編已付印，而後有續見材料，無法插入時，則悉排入第四編雜類。

十 引用書籍，多爲國立北平圖書館所藏，其景帝一朝實錄，殘缺不完，編印既竟，檢國立北京大學圖書本書目，有景帝實錄，因亟檢閱，得史料若干條，另作補遺，分訂各編之末。

明代建築大事年表

第一編 宮殿 陵寢 苑囿 壇廟

太祖

年	月
丙午歲 元正二六年 公元一三六六	十二月 建立廟社宮室 太祖實錄 丙午歲十二月甲子，上親祀山川之神，祝冊曰……茲欲立郊社，建宮室於舊城之東，鍾山之陽……謹於是日肇工，事，敢告。 明史太祖紀 至正二十六年秋八月庚戌……作新宮鍾山之陽，十二月……建廟社宮室，祭告山川，所司進宮殿圖，命去雕琢奇麗者。 明典彙 丙午十二月，太祖命有司立廟社，建宮室。（並見明史禮志，紀事本末。）
吳元年 元末丁未 元正二七年	八月 園丘方丘社稷壇成 太祖實錄 吳元年八月癸丑，園丘方丘及社稷壇成。園丘在涼城東南正陽門外，鍾山之

公元一三六七

陽……方丘在太平門外，鍾山之北……社稷壇在宮城之西南，皆北向，社東穆西。

明史太祖紀 至正二十七年八月癸丑，園丘，方丘，社稷壇成。（並見明史禮志，續通考，明會要）

九月 太廟成

太祖實錄 吳元年九月，太廟成……在宮城東南。

明史太祖紀 至正二十七年九月甲戌，太廟成。（並見明史禮志）

新宮成

太祖實錄 吳元年九月癸卯，新內成。正殿曰奉天殿，前爲奉天門，殿之後曰華蓋殿，華蓋殿之後曰謹身殿，皆翼以廊廡。奉天殿之左右各建樓，左曰文樓，右曰武樓。謹身殿之後爲宮，前曰乾清宮，後曰坤寧宮，六宮以次序列焉。周以皇城，城之門南曰午門，東曰東華，西曰西華，北曰玄武，皆樸素不爲雕飾。

明史太祖紀 至正二十七年九月癸卯，新宮成。（並見明史輿服志，明會典）

洪武元年戊申十一月 建大堂

公元一三六八

太祖實錄 洪武元年十一月辛丑……建大堂，（並見日下舊聞考，圖書集成）

洪武二年己酉

正月 建羣神享祀所

公元一三六九

二月 建先農壇

太祖實錄 洪武二年正月丁酉，建羣神享祀所於城南門外。

明史禮志 洪武二年二月，帝建先農壇於南郊。

六月 京師功臣廟成

太祖實錄 洪武二年六月丙寅，功臣廟成。

九月 營中都宮殿

太祖實錄 洪武二年九月癸卯，詔以臨濠爲中都……命有司建置城闕如京師之制焉。

明會要七七 洪武二年九月，以臨濠爲中都，營城郭宮殿如京師制。

重建寧國府褒烈廟

明一統志一五 褒烈廟在府西門內，祀宋宣州守李光武……洪武二年重建。

洪武 三年 戊戌

五月 建齋宮

公元一三七〇

太祖實錄 洪武三年五月乙巳，建齋宮於園丘之西，方丘之東，前後皆爲殿，左右爲小殿，爲庖湑之所。外爲都壇，壇內外爲將士宿衛之所。又外爲渠，前爲覆星門，爲橋三，左右及後各爲門一，橋一。（按春明夢餘錄謂洪武二年作齋宮。）

七月 詔建諸王府

太祖實錄 洪武三年七月辛卯，詔建諸王府……請秦用陝西嚴臺治，晉用太原新城，燕用元舊內殿，楚用武昌覆竹寺基，齊用青州益都縣治，潭用潭州玄妙觀基，靖江用獨秀峯前……命以明年次第營之。（並見明會要七七，圖書集成。）

十一月 改作天地等壇牲房

太祖實錄 洪武三年十一月壬子命禮部改作天地等壇牲房。

十二月 建奉先殿

太祖實錄 洪武三年十二月甲子，命建奉先殿。

明史太祖紀 洪武三年十二月甲子，建奉先殿。（並見明史禮志，昭代典則。）

修葺歷代帝王陵寢

明史太祖紀 洪武三年十二月庚午，遣使祭歷代帝王陵寢，並加脩葺。

建山川壇

春明夢餘錄 一五 洪武三年建山川壇于天地壇之西。（並見日下舊聞考五五。）

建社稷壇祭殿及拜殿

明史禮志 洪武三年於壇北建祭殿五間，又北建拜殿五間，以備風雨。

洪武四年 辛亥

正月

建中鄧郊廟

太祖實錄 洪武四年正月庚寅，建圜丘，方丘，日月，社稷，山川壇及太廟于臨濠。

明史太祖紀 洪武四年正月庚寅，建郊廟於中都。（並見昭代典則。）

改建楊王及徐王廟

太祖實錄 洪武四年正月癸卯，詔工部改建皇外祖考楊王廟於泗州盱眙縣之墓所，皇外舅徐王廟於宿州之墓所。

明一統志七 楊王墳在宿州北七十里閔子鄉，王姓馬州人，本朝外戚，洪武四年於墳前建廟。

二月 奉先殿成

太祖實錄 洪武四年二月己巳，奉先殿成，殿建于宮門內之東，南向。

三月 改築圜丘方丘壇

太祖實錄 洪武四年三月丙戌，改築圜丘方丘壇。（並見明史禮志，續通典。）

五月 建中都太社壇

太祖實錄 洪武四年五月丙寅，詔立太社壇於中都。

十月 作諸王宮殿

太祖實錄 洪武四年十月丁未……作諸王宮殿於太原寧府。

建山東兗州府東平州堯祠

明一統志二二 堯陵在東平州東北三十里，本朝洪武四年建祠陵前。

洪武五年壬子

七月

建中都獨山觀星臺

公元一三七二

太祖實錄

洪武五年七月甲寅，建中都觀星臺於獨山。

九月

修太廟宮牆

太祖實錄

洪武五年九月乙巳，擇日修築太廟宮牆，舉祭告禮。

建中都城隍廟

明一統志七

中都城隍廟在留守司後，本朝洪武五年建。

建廣西桂林府靖江王府

明一統志八三

靖江王府在府之獨秀山前，元以順帝潛邸建萬壽殿於此，本朝洪武五

年改建爲府第。

洪武六年癸丑

三月

甃中都皇城

公元一三七三

太祖實錄

洪武六年三月壬戌，甃臨濠皇城。

六月

中都皇城成

八月

建北郊齋房

太祖實錄 洪武六年六月辛巳，中都皇城成。

太祖實錄 洪武六年八月癸酉，建陪祭官齋房于北郊齋宮之西南，公侯十五間，百官十七間，暨舞生二十三間。

建京師歷代帝王廟

太祖實錄 洪武六年八月乙酉，建歷代帝王廟于京師，禮部奏定其制，宜略如宗廟，同堂異室，爲正殿五間，以爲五室，中一室以居三皇……從之。（並見日下舊聞考五一）

十月

建中立府開平王廟

太祖實錄 洪武六年十月丁酉，立開平王廟於中立府皇城西。

十一月

建中立府歷代帝王廟及北平元世祖廟

太祖實錄 洪武六年十一月癸丑，命建歷代帝王廟於中立府皇城西，仍命於北平立元世祖廟。

建鳳陽府瞿相公廟

明一統志七 瞿相公廟，在縣西南二十里，洪武六年建。

重建河南汝寧府光州及光山縣司馬溫公廟

明一統志三一 司馬溫公廟有二，一在光州儒學，有碑，一在光山縣治西，溫公宋司馬光也，洪武六年重建。

洪武七年甲寅

正月

修山東兗州府曲阜縣孔子廟

公元一三七四

明史太祖紀 洪武七年二月戊申，脩曲阜孔子廟。

命建親王宮殿

明典彙 洪武七年命建親王宮殿，前殿曰承運，中曰闔殿，後曰存心。四城門，南曰端禮，北曰廣智，東曰體仁，西曰遵義。宮殿門廡及城門樓，皆覆以青色琉璃瓦。

建安慶府真源行宮

明一統志一四 真源行宮在府城內，洪武七年建。

洪武八年乙卯

四月

罷中都役作

公元一三七五

太祖實錄 洪武八年四月甲寅，詔罷中都役作，初上欲如周漢之制，營建兩京，至是以勞費罷之。（並見明會要七七）

七月

改作太廟

太祖實錄 洪武八年七月辛酉，改作太廟……其廟制按唐宋，爲正殿，同堂異室，殿東西

八月

爲廉殿之後爲寢殿。前殿之前爲正門，左右爲角門。正門之前爲靈星門。
明史太祖紀 洪武八年七月辛酉，改作太廟。（並見明史禮志，春明夢餘錄。）

改建大內宮殿

太祖實錄 洪武八年八月辛酉，詔改建大內宮殿。

明典彙 洪武九年改建大內。（並見明史輿服志，明會要七七。）

作晷影堂

明典彙 洪武八年八月，作晷影堂。

建鳳陽府開國元勳閣

明一統志七 開國元勳閣在鳳陽府治西南，洪武八年爲開國功臣徐達等建。

建鳳陽府鐘鼓樓

明一統志七 鐘樓在府中雲濤街西，鼓樓在府中雲濤街東，洪武八年建。

重建湖廣黃州府孫權廟

明一統志六一 孫權廟在府治東南，唐貞觀間郡人曹仁齋捨宅建，元燬，本朝洪武八年

重建。

洪武 九年丙辰

正月

太歲風雲雷雨等壇墮殿成

公元一三七六

太祖實錄 洪武九年正月庚午，建太歲風雲雷雨嶽鎮海濱鍾山京畿山川月將京都城隍諸神壇殿成。（並見明史禮志）

六月 重建奉先殿成

太祖實錄 洪武九年六月己亥，重建奉先殿成。

八月 修嶽鎮海濱祠

明史太祖紀 洪武九年八月己酉修嶽鎮海濱祠。

閏九月 太廟成

太祖實錄 洪武九年閏九月己未，新太廟成。

明史太祖紀 洪武九年十月己未，太廟成。（並見明史禮志）

建北京文天祥祠

日下舊聞考四五引東里集 楊士奇文丞相祠記：北京之有公祠，洪武九年前北平按察司副使劉崧始建於教忠坊，今順天府之右，又名勝志文丞相祠，國初北平按察司副使

劉崧立。（並見圖書集成職方典）

重建永平府伯夷叔齊廟

明一統志五 伯夷叔齊廟在舊府治西漆河之濱……廟久廢，本朝洪武九年於城東北